

11063

891.99

0-53

891.99

Ծ-53

Կ Թ Ի Ք Թ Ա Ք

ԾԻԾԱՂԱՇԱՐԺ ԶԱԻԵՇՏ

ԵՐԿՈՒ ԱՐԱՐՈՒԱԾ



Քիեւի վերածեց

ԼԵՒՈՆ ԾԻԾԱՂ

Հրատարակիչ

ՅԱԿՈՔ ԱՐՐԱՀԱՄԵԱՆ

Տպագր. «ԹԵՍՀԻԼԱԹ»

Կ. Պոլիս

1929



Թ Ի Ք Թ Ա Ք

ԾԻԾԱՂԱՇԱՐԺ ԶԱԻԵՇՏ

ԵՐԿՈՒ ԱՐԱՐՈՒԱԾ



Բիբլի վերածեց

ԱԵԻՈՆ ԾԻԾԱՂ

Հրատարակիչ

ՅԱԿՈԲ ԱՐՐԱՀԱՄԵԱՆ

Տպագր. «ԹԵՍՆԻԼԱԹ»

Է. Պոլիս

1929

27477-ա.3

ԳՈՐԾՈՂ ԱՆՁԻՆՔ

ԹՕՄԱՍ	56	տարեկան, ճաշարանապետ
ԹԷՐԵԶԱ	35	» Թումասի կինը
ԱՆԹՈՒԱՆ	28	» Գրականատ
ԺՕԶԷՖ	32	» »
ԱԼՊԷՐ	40	» Բժիշկ
ՕՍԲԱՐ	70	» Խենդերու բժիշկ
ԺԱՔ		Բեռնակիր
ՄԻՇԷԼ		»

Ծանոթ. — Ներկայացման իրաւունքը վերապահուած է ամէնուն:



2003

6385-57

ԱՌԱՋԻՆ ԱՐԱՐՈՒԱԾ

(Բեմը կը ներկայացնէ Թումասի ճաշարանը: Պարզ սենեակ մը: Ձախ կողմը, պատէն կախուած խոռո ժամացոյց մը: Աջ կողմը եւ մեջեղը դրուած են սեղաններ, բոլորսիքը արուներ: Սեղանները զարդարուած են ներմակ սփռոցներով. վրան ջուրի շիշեր, գաւաթներ եւ պնակներ:

Տ Ե Ս Ի Լ Ա.

Թ Ո Մ Ա Ս (Ռանգին)

Շիտակը բսելով ալ չքաշուելիք եղաւ այս կինը, ես, որ այսքան համբերող եմ, կարծեմ չպիտի կրնամ դիմանալ և օր մըն ալ պիտի պոռթկամ, ինչ մաքրութիւն որ ընեմ չի հաւնիր, եփած կերակուրներու անպատճառ բան մը պիտի ըսէ, եկու տես որ երբ ամուսնացանք, կերակուր եփելուն ձեւն անգամ չէր գիտներ: Եթէ գալու ըլլայ և շարունակէ իր ընթացքը, վերջնականապէս իրեն պիտի աղդարարեմ որ, եթէ անգամ մըն ալ իմ գործերու միջամտելու ըլլայ, օրհնած բերանս պիտի բանամ և մէյ մըն ալ չպիտի գոցեմ, եղբայր, եկող յաճախորդներն անգամ զժգոհ են, անոնցմէ ալ չամչնալով կը սկսի բերնին եկածը դուրս տալ: (Կես բարկութեամբ եւ սեղանները մաքրելով): Ճաշարան բանեցնողը ո՛ւր, ես ուր, բայց լուսանոցի մեծ հայրս (ժամացոյցը ցոյց տա-

լով) այս ժամացոյցը հօրս ժառանգ ձգելովը, և հօրմէս ալ ինծի ժառանգ մնալովը կրնամ կոր քիչ թէ չատ ապրուիլ այս գործով: Գրեթէ եկող յաճախորդներուն ամէնքն ալ ժամացոյցին համար են, եկողը անպատճառ ժամացոյցը պիտի դիտէ և սքանչանայ: Կինս մինչեւ անգամ այս ժամացոյցին, որ մեր ապրուստի միջոցն է, «գրլխուդ փորձանք մը պիտի բերէ, սա ժամացոյցը ծախէ» կ'ըսէ, բայց ես իրեն պէս խենդ չեմ որ ձեռքէ հանեմ: (Ներսէն ոսֆի ձայն կը լսուի:) Ուրի մը ձայն կայ, այս ժամուս յաճախորդ չի կրնար ըլլալ, անպատճառ կինս ըլլալու է:

Տ Ե Ս Ի Լ Բ.

ԹՈՄԱՍ ԵՒ ԹԷՐԷԶԱ.

ԹԷՐԷԶԱ. — (Ներս մտնելով եւ երեսին վրայէն փռէ փչելու պէս բնելով) Անմաքրութիւն, անմաքրութիւն և վերջին ծայր անմաքրութիւն: Թօմաս, այս ի՞նչ խայտառակութիւնն է:

ԹՈՄԱՍ. — Իրաւունք ունիս, սիրելի կնիկս, մինակ ըլլալուս ասկէ աւելի չեմ կրնար կոր ընել:

ԹԷՐԷԶԱ. — Կնիկս մնիկս չգիտեմ, ես ամէն բան իր տեղը և մաքուր կ'ուզեմ:

ԹՈՄԱՍ. — Եթէ այդքան մաքրասէր ես, խուշիկս, ինծի հետ դուն ալ աշխատէ, և այն ժամանակ ուղածիդ պէս մաքուր կ'ըլլայ:

ԹԷՐԷԶԱ. — Ի՞նչ, ի՞նչ ըսիր, ե՛ս ալ աշխատեմ, ես ալ քեզի հետ աշխատեմ, հապա ո՞ւր կը մնայ քու էրիկմարդութիւնդ:

ԹՈՄԱՍ. — Թէրէզա, չես տեսնար կոր պէխս և մօրուքս:

ԹԷՐԷԶԱ. — Պէխ և մօրուք ունեցող կիներ չկան:

ԹՈՄԱՍ. — Բայց անպատճառ երիկ մարդ ըլլալս հաստատող բան մը պէտք է ցոյց տալ: (Մեկուսի): Այս ի՞նչ փորձանք է: Տէր Աստուած:

ԹԷՐԷԶԱ. — Չեմ գիտեր, ես միայն այն գիտեմ թէ, կիները իրենց տան դործերով կը զբաղին, իսկ այրերը դուրսի:

ԹՈՄԱՍ. — Շատ լաւ, ես ալ իբրեւ այր մարդ դուրսը իմ գործովս կը զբաղեմ կոր, դուն ինչո՞ւ համար հոգ գալով իմ գործերուս կը միջամտես, չէ, չեմ ուզեր որ հոս գաս, հասկցա՞ր:

ԹԷՐԷԶԱ. — Հոս գալս չես ուզեր որ դուն քու ուղածիդ պէս գործես և խանութը աղտոտութեան մէջ լողայ, անկէ ետք ալ բերանը օդին բռնէ ու սպասէ որ յաճախորդ գայ:

ԹՈՄԱՍ. — Բայց Թէրէզա, պէտք է լաւ գիտնաս որ հոս եկող յաճախորդները ոչ մաքրութեան համար կուգան և ոչ ալ կերակուր ուտելու:

ԹԷՐԷԶԱ. — Կը հասկնամ ինչ ուզելդ, դարձեալ սա ժամացոյցը կ'ակնարկես, այնպէս չէ՞:

ԹՈՄԱՍ. — Ոչ թէ կ'ակնարկեմ այլ ամէն ժամ կ'աղօթեմ Աստուծոյ, որ այս ժամացոյցը անվտանգ պահէ և մեծ հօրս հոգին Աստուած լուստուորէ որ իր որդւոյն և ան ալ ինծի ժառանգ թողուց:

ԹԷՐԷԶԱ. — Թօմաս, իմ հոգիս անանկ կը վկայէ թէ այդ ժամացոյցը օր մը չէ օր մը քու գլխուդ մեծ փորձանք մը պիտի բանայ:

ԹՈՄԱՍ. — Դուն քու հոգիիդ ձայնին կարեւորութիւն մի՛ տար, այս ժամացոյցին երեսն է որ չորս ուկէս տարուան մէջ 15 նարդէօն զուտ չահ մը ըրած եմ, 1500 ֆրանք, իմացա՞ր:

ԹԷՐԷԶԱ. — (Խնդալով) Հա՛, հա՛, հա՛, 15 նարդէօն 4ուկէս տարուան մէջ ինչ մեծ հարստութիւն:

ԹՕՄԱՍ. — 15 նաբոլէօնին չի հաւնեցա՞ր, դուն գըր-
պանդ 15 ֆրանք ունի՞ս և կամ հօրմէդ մօր-
մէդ 15 ֆրանք մնաց քեզի իբրեւ ժառանգ :

ԹԷՐԷԶԱ. — (Բարկուքեամբ) Դո՛ւն, դուն հօրս մօրս
անունը բերանդ առնելու արժանի՞ մարդ ես,
չուտ բերնեդ դուրս հանէ :

ԹՕՄԱՍ. — (Բերնին մէջ փնտելով, մեկուսի) Բայց
բերնիս մէջ բան չկայ, (Կնկանը) Թէրէզա.
նախ սա ըսեմ որ ես քու հօրդ մօրդ անունը
բերանս առած չեմ և երկրորդ բերնիս մէջը
բան մը չկայ որ դուրս հանեմ :

ԹԷՐԷԶԱ. — Այ հասկցայ որ ես քեզի հետ չպիտի
կրնամ ապրիլ, հիմա պիտի երթամ մեծ եղ-
բօրս, ամէն բան պիտի պատմեմ, թող ան ճար
մը մտածէ քենէ ազատելու համար : (Կը մեկնի)

Տ Ե Ս Ի Լ Գ.

Թ Ո Մ Ա Ս առանձին

Թէրէզա, Թէրէզա, եկուր, քու ըսածիդ պէս
կ'ընեմ, հայրդ մայրդ բերնէս կը հանեմ :
Կ'ուզե՞ս որ մեծ եղբայրը գալով գլխուս մեծ
փորձանք մը բերէ, սրիկային մէկն է : (Ներս
կը մտնեն Անթուան եւ Ժօզէֆ) :

Տ Ե Ս Ի Լ Դ.

ԹՕՄԱՍ, ԱՆԹՈՒԱՆ ԵՒ ԺՕԶԷՖ

ԱՆԹՈՒԱՆ. — (Ժօզէֆին) Հող մի բներ, եթէ իմ պատ-
ճէրներս կէտ առ կէտ գործադրես, մենք հոս
փառաւոր ճաշ մը ընելնէս վերջը կ'լսիկ գու-
մար մըն ալ առնելով դուրս կ'ելլանք :

ԺՕԶԷՖ. — Ես այդ խօսքերուդ վրայ ամենեւին վըս-
տահուածիւն չունիմ, եթէ խայտառակութեամբ
չմեկնինք շատ բան :

ԹՕՄԱՍ. — Հրամմեցէք պարոններ, հրամմեցէք,
(Երկու քակահասները աջ կողմի սեղանը կը
նստին) :

ԱՆԹՈՒԱՆ. — (Թումասին) Թումաս, բաւական ատեն է
որ քու խանութիդ չեմ եկած, ինչ ունիս ուտելիք :

ԹՕՄԱՍ. — (Ցուցակը երկնցնելով) Հրամմեցէք պա-
րոն, ամէն բան և շատ համեղ :

ԱՆԹՈՒԱՆ. — Բեր, բեր, հաւու ջուրի ապուր բեր :

ԹՕՄԱՍ. — Հրամանիդ գլխուս վրայ, մէկ թէ երկու :

ԱՆԹՈՒԱՆ. — Հարկաւ երկու, առանձին չեմ որ :

ԹՕՄԱՍ. — Այս վայրկեանիս : (Դուրս կ'ելլայ) :

ԺՕԶԷՖ. — Անթուան, շատ բարձրէն մի նետեր,
հաւու ջուրի ապուրը ինչ պիտի ըլլայ, անով
մարդուն փորը կը կշտանա՞ց :

ԹՕՄԱՍ. — (Ապուրները բերելով) Գրեթէ այս քա-
ղաքին մէջ այս տեսակ համեղ և մաքուր ապուր
եփող չկայ :

ԱՆԹՈՒԱՆ. — Արդէն այդպէս ըլլալը գիտնալովիս
երեք մղոն տեղ քալելով հոս եկանք ճաշելու :

ԹՕՄԱՍ. — (Դեպի դուռը) Ա՛խ, հոս ըլլալիւր տէ իմա-
նայիր :

ԱՆԹՈՒԱՆ. — Հաւու միս :

ԹՕՄԱՍ. — Տապկած :

ԱՆԹՈՒԱՆ. — Այո՛, տապկուած :

ԹՕՄԱՍ. — Հիմա հիմա : (Մեկուսի) Ասոնք բաւական
հարուստի կը նմանին կոր, կարծեմ լաւ գործ
մը պիտի ընեմ ասոնց հետ :

ԱՆԹՈՒԱՆ. — (Ժօզէֆին) Եթէ կերակուրները բերելու
ըլլայ, ամենաբնորոք տեսակէն գինի ուզէ,
առանց վախի :

ԺՕԶԷՖ. — Այդ բանը իմ կարողութենէս վեր է, չի բաւեր առանց դրամի փաբերնիս կշտացնելը, մէջ մըն ալ գինի՞ պիտի խմենք:

ԱՆԹՈՒԱՆ. — Ապուշութիւն պէտք չէ, ես քեզի ինչ որ կ'ըսեմ ան ըրէ:

ԺՕԶԷՖ. — Շատ լաւ:

ԹՕՄԱՍ. — (Նրկու պնակ հաւ բերելով) Ահա պարոնս բոններ, այս հաւերը ճիշտ եօթը ամիս իմ հաւնոցիս մէջը պահելէս վերջ, այսօր մորթեցի:

ԺՕԶԷՖ. — Այդ ամենքը լաւ, բայց ասոնք առանց գինիի խմել կարելի չէ:

ԹՕՄԱՍ. — Գինի՞ կ'ուզէք, շատ լաւ, բերեմ:

ԺՕԶԷՖ. — Ինծի հայէ, գինիին լաւ տեսակը ունի՞ս:

ԹՕՄԱՍ. — Օ՛հ, խնդրեմ, դիւ կը ծաղրէ՞ք թէ անուան գեւ չէք իմացած, իմ ունեցած գինիս ամենաբնաւորն է: (Գինի կը բերէ):

ԱՆԹՈՒԱՆ. — (Գինին խմելով) Այո՛, շատ լաւ գինի է, միայն թէ կերակուրները լմնցան, մանզէն ի՞նչ կերակուր որ ունիս բեր:

ԹՕՄԱՍ. — Շատ լաւ, (Ներս կ'երթայ)

ԱՆԹՈՒԱՆ. — Հիմա քեզի ինչպէս պատմեցի, այնպէս ալ պէտք է ի գործ դնես պատուէրներս:

ԹՕՄԱՍ. — Հրամմեցէք ձեզի մտեղէն:

ԱՆԹՈՒԱՆ. — Անուշէղէն չունի՞ս:

ԹՕՄԱՍ. — Չունի՞մ, այդ բառը իմ խանութիս մէջ գոյութիւն չունի, դուք միայն ուղեցէք:

ԱՆԹՈՒԱՆ. — Շատ լաւ, անուշեղէն բեր, բայց երկերկու բորսիօն ըլլայ:

ԹՕՄԱՍ. — Ամենայն սիրով: (Ներս կ'երթայ):

ԺՕԶԷՖ. — Մարդը քու ըսածիդ չափ ապուշ կ'երեւած կոր, բայց համբերութիւնն ալ կարծեմ շատ է, և ատով մենք զրաւը պիտի կորսնցնենք: Եթէ կէս ժամ ընդունի քու առաջարկդ և յաղթէ այն ժամանակ ի՞նչ պիտի ընենք:

ԱՆԹՈՒԱՆ. — Օ՛, կ'երեւի Անթուանը չես ճանչնար:

Շատ լաւ, եթէ ժամացոյցին առաջը կենալով իմ ըսածներս ընէ, մենք դուռնէն դուրս պիտի ըլլենք բարձրաձայն խնդալով, եթէ ետին դառնայ, զրաւը կորսնցուցած պիտի ըլլայ, իսկ եթէ չդառնայ, մենք արգէն մեր նպատակին հասած և Տանկլարին դարեջրատունը պիտի գտնենք ինքզինքնիս:

ԺՕԶԷՖ. — Այո՛, այո՛, շատ խելացի կերպով է որ կը խօսիս, ես այդ կէտը չկրցի մտածել:

ԱՆԹՈՒԱՆ. — Ուրեմն դործի:

ԹՕՄԱՍ. — (Նրկու պնակ անուշեղէն բերելով) Հրամմեցէք և կարծեմ թէ կհանքերնուդ մէջ առաջին անգամն է որ այս տեսակ անուշեղէն պիտի ծաղակէք:

ԱՆԹՈՒԱՆ. — Շատ լաւ, շատ լաւ: (Ժամացոյցը աչքին զարկած ըլլալ ձեւացնելով): Այդ ի՞նչ է, տես Ժօզէֆ, սա ժամացոյցը տես: Շիտակը ըսելով ես, որ այսքան ժամացոյց տեսած էի ատոր չափ հնութիւն ունեցող ժամացոյց մը գեւ առաջին անգամն է որ կը տեսնամ:

ԹՕՄԱՍ. — Այո՛, հնութիւն մըն է և կրնամ ըսել թէ 150 տարի առաջ ալ ատոր հնութիւն մը ըլլալը հաստատող գրութիւն մը կայ ժամացոյցին ետեւի պահարանին մէջ պահուած:

ԱՆԹՈՒԱՆ. — Ըսելու հարկ չկայ, արգէն ինքնին ցոյց կուտայ այդ: (Ընկերոջը) Հիմա ինծի մօտիկ ըրէ, եկու քեզի հետ գրաւ մը բոններ, եթէ սա ժամացոյցին սլաքին հետ քառորդ ժամ թիւք թաք ընես, այսօրուան, ոչ թէ հոս կերածնիս, այլ ամբողջ ծախքը ես կ'ընեմ, իսկ եթէ կէս ժամ համբերելու ըլլաս հազար ֆր. կուտամ:

ԹՕՄԱՍ. — (Մեկուսի) Այս մարդը խնդրելու է որ այս տեսակ չնչին բանի մը համար 1000 ֆրանք կը տրամադրէ կոր, եթէ ինծի տալու ըլլայ այդ 1000 ֆրանքը, ոչ թէ կէս ժամ, այլ ժամ մը իսկ կը համբերեմ:

ԺՕԶԷՖ. — Շատ լաւ, ես քեզի 1000 ֆրանք կուտամ եթէ դուն ընես այդ թիւը թաքը:

ԹՕՄԱՍ. — (Մէջ մտնելով) Այնիւ պարոններ, ինչ պէտք կայ այդպէս իրարու հետ վիճաբանելու, եթէ այդ տեսակ գրաւ մը բռնելու փափաք ունիք ահա ես պատրաստ եմ ձեր երկուքին հետ ալ գրաւ բռնելու, ոչ թէ կէս ժամ այլ ժամ մը:

ԱՆԹՈՒԱՆ. — Ինչու չէ, քեզի հետ կը բռնուինք: Հիմա ինծի մտիկ ըրէ, ինչպէս քիչ մը հասկցած ես, աւելի լաւ բացատրեմ: Պէտք է մէկ ժամ առանց ուրիշ տեղ ուշադրութիւնդ դարձնելու ժամացոյցին սլաքին հետ գլուխդ պիտի օրօրես թիւք թաք ըսելով, եթէ ժամ մը համբերուի թեամբ կատարես այդ, գրաւը շահած կ'ըլլաս եւ կ'առնես 1000 ֆրանքը, իսկ եթէ այդ մէկ ժամուան մէջ ու եւ է չարժուածով չուարիս եւ կենաս, գրաւը կորսնցուցած կ'ըլլաս եւ 1000 ֆրանք դուն կուտաս: Կ'ընդունի՞ս:

ԹՕՄԱՍ. — (Առանց մտածելու) Այո՛, կ'ընդունիմ: (Մէջի գրպանէն 15 նաբօլեօն հանելով) Ահա՛, ձեզի 15 նաբօլէն, որ չորսուկէս տարուան մէջ տեղեկուցած եմ եւ կը յուսամ թէ մէկ ժամ յետոյ 30 նաբօլէօն պիտի ըլլայ պահեստի դրամս: (Մեկուսի) Ո՛հ, ի՛նչ մեծ շահ մէկ ժամուան մէջ:

ԱՆԹՈՒԱՆ. — Լաւ մտածէ ճաշարանապետ: (Ինք ալ գրպանէն 15 նաբօլեօն հանելով) Ահա՛ ես ալ քու տրամադրութեանդ տակ կը դնեմ 15 նաբօլէօն: (Սեղանին վրայ կը դնէ, նոյնպէս ԹՕՄԱՍ իր ձեռքը գտնուած 15 նաբօլեօնը սեղանին վրայ կը դնէ): Հիմա գտնա՞ք պայմաններուն կատարելութեան:

ԺՕԶԷՖ. — (Մէջ մտնելով) Բայց համբերեցէ՛ք կարելի է ես մէկուկէս ժամ՝ կ'ընդունիմ:

ԹՕՄԱՍ. — Ո՛հ, պարոն, դուք միջամտելու իրաւունք չունիք, որովհետեւ մենք արդէն գործը վերջացուցինք:

ԱՆԹՈՒԱՆ. — Սպասեցէ՛ք, իմ առաջարկած պայմաններս իմ ուր ընդունի, անոր հետ կը բռնենք գրաւը, այսինքն եթէ քեզ հետ բռնուիմ գրաւի պէտք է զիտնաս թէ այդ մէկ ժամուան մէջ ինչ որ ալ ընենք չպիտի չուարիս գրաւըդ չկորսնցնելու համար:

ԹՕՄԱՍ. — Եղբայր, ես ամէն կերպով կ'ընդունիմ, ինչպէս որ կ'ուզէք:

ԱՆԹՈՒԱՆ. — Լա՛ւ, (Ժամը 8 կը զարնէ) Ահա ժամը 8 կը զարնէ, ուրեմն մինչեւ ժամը 9ը մեր գրաւի ժամն է, ուրեմն սկսէ:

ԹՕՄԱՍ. — (Ուրախութեամբ) Շահեցայ, 15 նաբօլէօնը ժամը 9ին պիտի առնեմ: (Ժամացոյցին առաջը երթալով կը սկսի սլաքին հետ միասեղ թիւք թաք, թիւք թաք, թիւք թաք, թիւք թաք, ընել տարուակ: Անբուան եւ Ժօզէֆ ձեռքի տարժումներով իրարու հետ քանի մը խօսք կը փոխանակեն):

ԱՆԹՈՒԱՆ. — Ալ մենք երթանք, մեր գործը լմնացաւ:

ԹՕՄԱՍ. — (Քիչ մը տուարուով) Թի թի թիւք թաք թաք թի թի թիւք թաք թաք թիւք թաք:

ԱՆԹՈՒԱՆ. — (Սեղանին վրայի դրամները ժողովելով, որոնց ձայնը պէս է ելլայ) Օն ուրեմն երթանք:

ԹՕՄԱՍ. — (Դրամներուն ձայնը առնելով) Թի թիւք թաք թաք թի թիւք թաք թաք (Անբուան եւ Ժօզէֆ խնդալով կ'երթան):

ԿԱՐԱԳՈՅՐ

Բեմը կը ներկայացնէ Առաջին արարուածը, ոչ մէկ տարբերութիւն:

Տ Ե Ս Ի Լ Ա.

Թ Օ Մ Ա Ս (Առանձին)

(Ժամացոյցին առջեւ կեցած) Թի՛ք թա՛ք, թի՛ք թա՛ք, (Շարունակ առանց կենալու, միայն անհամբերութեան շարժումներ կ'ընէ):

Տ Ե Ս Ի Լ Բ.

Թ Օ Մ Ա Ս ԵՒ ԹԷՐԷԶԱ

ԹԷՐԷԶԱ. — (Մտնելով) Մարդ որչափ ապուշ ըլլալու է որ իր ամուսնոյն հետ ունեցած վէճը ուրիշին պատմէ, բայց եթէ այդչափ ալ վախ չտամ, բոլորովին կ'առնէ կը քայլէ: (Սեղանը տեսնելով) Օ՛ հօ՛, այս ի՛նչ ազտութիւն: Բայց ինչո՞ւ այս վիճակին մէջ ձգելով դուրս ելիր է: (Ներս երթալու համար դեպի ձախ դառնալով եւ թօմասը տեսնելով ժամացոյցին առջեւ, ու քիֆ քաֆը կը շարունակէ խնդալով) Այս էր պակաս, ժամացոյցին հետ թիւն մըն է ըսելով, ըսելով, ինք ալ անոր կարգը անցնել կ'ուզէ կոր: Թօմաս, Թօմաս, այդ ի՛նչ խայտառակութիւն է... Թօմաս ինչո՞ւ չես պատասխաներ կոր: (Թօմաս կը շարունակէ քիֆ

քաֆը): Բայց Տէր Աստուած, չըլլայ թէ խելքին եկած ըլլայ, երթամ բժիշկ կանչեմ, Թօմաս, Թօմաս: Ո՛հ, ո՛հ, խենդեղեր է, առանց բան մը չեմ կրնար ընել: (Կ'երթայ):

Թ Օ Մ Ա Ս. — (Առանձին) Թի՛ք թա՛ք, թի՛ք թա՛ք, (Այսպէս երկու վայրկեան):

Տ Ե Ս Ի Լ Գ.

Թ Օ Մ Ա Ս, ԹԷՐԷԶԱ ԵՒ ԱԼՊԷՐ

ԹԷՐԷԶԱ. — Խնդրեմ պարոն բժիշկ, հաճեցէք, ներս եկէք և տեսէք թէ ինչ է եղեր թօմասը:

ԱԼՊԷՐ. — (Առանց տեսնելու թօմասը) Փո՛րը կը ցաւի թէ գլուխը:

ԹԷՐԷԶԱ. — Կ'արժեմ ուղեղը, Պ. Տօքթօր:

ԱԼՊԷՐ. — Ոտքերը տաք ջուրը դնելու է, ամբողջ տաքութիւնը վար կ'իջնէ և կ'ազատի:

ԹԷՐԷԶԱ. — Ո՛հ Տօքթօր, թօմասին ցաւը տաք ջուրով անցնելիք ցաւ չէ, տեսէք:

ԱԼՊԷՐ. — (Թօմասը տեսնելով եւ սոսկալով) Օ՛, օ՛, այս շատ առտառոց բան է, Մ. Թօմաս ի՛նչ հաճոյք կը զգաս այդպէս թիք թաք ընելով:

Թ Օ Մ Ա Ս. — Թիք թաք, թիք թաք, թիք թաք:

ԱԼՊԷՐ. — Հասկցայ, հասկցայ, ուղեղային տկարութիւն ունի, որը ես անկարող եմ դարձանելու: Մեր դրացի Տօքթօրը, որ խենդերու բժիշկ է, անիկա կանչեցէք:

ԹԷՐԷԶԱ. — Խնդրեմ, Պարոն բժիշկ, դուք հոս քիչ մը սպասեցէք, ես հիմա ան ալ կը կանչեմ:

ԱԼՊԷՐ. — Օ՛, ոչ տիկին, չեմ կրնար սպասել, ժամը Գուկէսին ուրիշ տեղ ժամադրութիւն ունիմ և որովհետեւ հիմա ժամը Գին տասը կ'ուզէ, ուշ կը մնամ, ներողութիւն:

ԹԷՐԻԷԶԱ. — Բայց վստահ եղէք թէ երկու վայր-
կեանէն կուգամ:

ԱԼՊԷՌ. — Շատ լաւ, չուտ զացէք: (Թերեզա կը մեկնի:
Դեպի Թօմասը յառաջանալով եւ ժամացոյցին
նայելով) Շիտակը ըսելով, կեանքիս մէջ
առաջին անգամն է որ այս տեսակ խենդ մը
կը տեսնամ:

ԹՕՄԱՍ. — Թի՛ք թա՛ք, թի՛ք թա՛ք:

Տ Ե Ս Ի Լ Դ.

ՆՈՅՆՔ, ԹԷՐԻԷԶԱ ԵՒ ՕՍՔԱՐ

ՕՍՔԱՐ. — Եթէ կարեւոր հիւանդ մը ունիք կրնամ
նայիլ:

ԹԷՐԻԷԶԱ. — Այո՛, Պ. բժիշկ, կարեւոր է, տես,
պոստինիս նայեցէք, խելքին է դպեր:

ՕՍՔԱՐ. — (Թօմասը տեսնելով ժամացոյցին առջեւը,
որ շարունակ թիֆթաֆ կ'ընէ, ինքն ալ անոր
հետ կը սկսի թիֆթաֆ ընել) :Հա՛, հասկցայ,
չնչին բան մըն է, պէտք է պաղ ջուրով լո-
զանք ընել տալ: Աճապարէ, գնա մեր տունը:
Ըսէ ժաքի եւ Միշէլի որ գան իրենց հետ բե-
րելով խենդերը կապելու համար մասնաւոր
հասոյ պարանը:

ԹԷՐԻԷԶԱ. — Շատ լաւ հիմա կ'երթամ: (Կ'երթայ:)

ՕՍՔԱՐ. — Այս տեսակ հիւանդութիւններէ չէք հաս-
կընար Պարոն բժիշկ:

ԱԼՊԷՌ. — Ո՛չ, չեմ հասկնար եւ հասկնալ ալ չեմ ու-
զեր, որովհետեւ ատկէ անախորժ բաներ ալ
կը պատահին:

Տ Ե Ս Ի Լ Ե.

ՆՈՅՆՔ, ԹԷՐԻԷԶԱ, ԺԱՔ ԵՒ ՄԻՇԷԼ

ԹԷՐԻԷԶԱ. — Ահաւասիկ եկան

ՕՍՔԱՐ. — Ժաք, Միշէլ, պատրաստուեցէք, սա ժա-
մացոյցին առաջըը կեցող մարդը կապելով
ուղղակի հիւանդանոց տարէք եւ պաղ ջուրի
մէջ լոզանք ընել տուէք:

ԺԱՔ ԵՒ ՄԻՇԷԼ. — (Միաբերան) Հրամաններդ գըլ-
խուս վրայ:

ԱԼՊԷՌ. — Ինծի հրաման տուէք, Տիկին, ժամը 9ն է:

ԹՕՄԱՍ. — (Յոգնած) Թի՛ք թա՛ք: (Դառնալով սեղա-
նին) Վերջապէս: Ահա ժամը 9 կը զարնէ, 15
նարօլէօնը շահեցայ տուէք: Բայց ուր են այն
պարոնները որոնց հետ զրաւ բռնուեցայ:

ԹԷՐԻԷԶԱ. — Ի՞նչ պարոն, ի՞նչ գրաւ:

ԹՕՄԱՍ. — Բայց ժամ մը առաջ երկու պարոններ
եկան, ինծի հետ զրաւ բռնեցին այս ժամա-
ցոյցին սլաքին հետ ժամ մը թիք թաք ընելու
համար, որուն փոխարէն 1500 ֆրանք տուած
էի անոնց:

ՕՍՔԱՐ. — Մ. Թօմաս, ուրախ եղիր որ այդ գրաւը
մէկ ժամուան համար բռնեք էք, եթէ մէկու-
կէս ժամուան համար ըլլար, հի՛թա ինքզինք-
նիդ հիւանդանոցին մէջ, խենդերու բաժնին
տեղը պիտի գտնայիք, եւ պէտք է գիտնաք
թէ ձեզ պէս շատեր կան հոն:

ԱԼՊԷՌ. — Շնորհիւ քեզի պէս խելացի բժիշկներուն:

Վ Ա Ր Ա Գ Ո Յ Ր



ԹԱՏՐԵՐԳՈՒԹԻՒՆՆԵՐ

	Ղր.
Ակնցի Հանի Աղան	Յ. Յ. Ամիրենց 40
Արեիկ Մալ Ալան	15
» » » Հայաստ. Թուրքերեն	25
Ասիացի Սափրիչը	Յ. Պապխեան 10
Ամերիկահայ Փեսացուն կամ Տայր Կարապետ	25
Բարեկենդանի Անկուսիները	15
Դղումի Վանառականը	15
Երանոս Աղբար	Տ. Փափագեան 25
Երկու Խուլեր	Մոլիեր 15
Թիֆ Թաֆ	10
Կրկ Սփառք կամ Մասս Մեջն է	Ն. Թոլանեան 50
Մարիամ Մազրաղենացի	50
Սասանա	10
Սիֆլօր	10
Գողթ	Տ. Միրթօ 15
Հնարամիտ Վարձակալը	10

Յ. Արքահամեան Գրատունը կը հայթայթէ Դպրոցական, Վիպական, Թատերական, Պատմական, Բանաստեղծական առէն տեսակ Հայերէն գիրքեր և այլն, և այլն:

Հասցէ՝

ՅԱԿՈԲ ԱԲՐԱՀԱՄԵԱՆ

Կ. Պոլիս, Պապը Այի, Բէշիա Էֆ. խան

2013

